



OROZKOKO UDALA

TRAKZIO MEKANIKOKO IBILGAILUEN GAINEKO ZERGA ARAUPETZEN DUEN UDAL ORDENANTZA FISKALA

*(2003/12/31ko 250 zb. B.A.O.ean argitaratua eta 2005/12/31ko 249 zb. B.A.O.ean,
2006/01/17ko 11 zb. B.A.O.ean, 2007/12/21ko 248 zb. B.A.O.ean,
2009/12/28ko 247 zb. B.A.O.ean, 2010/12/17ko 241 zb. B.A.O.ean, 2011/12/22ko 242
zb. B.A.O.ean, 2012/07/24ko 142 zb. B.A.O.ean eta 2019/12/17ko 240 zb. B.A.O.ean
aldatua)*

I. XEDAPEN OROKORRAK.

1. artikulua.

Udal honek, Bizkaiko Lurralde Historikoko Toki Ogasunak araupetu dituen Foru Arauan eta Trakzio Mekanikoko Ibilgailuen gaineko Zergari buruzko Foru Arauan ezarritakoarekin bat etorritz, zerga eskatzen du honako ordenantza honetan xedatutakoaren arabera.

2. artikulua.

Ordenantza hau udal-mugarte osoan aplikatuko da.

II. ZERGA EGITATEA.

3. artikulua.

Hauexek dira Zergaren zerga-egitateak:

1. Bide publikoetatik zirkulatzeko gai diren trakzio mekanikoko ibilgailuen itulartasuna, direnak direla ibilgailuen mota eta kategoria.

2. Zirkulaziorako gai den ibilgailutzat joko da erregistro publiko egokietan matrikulatu dena, baja ematen ez zaion bitartean. Zerga honen ondorioetarako, aldi baterako baimena duten ibilgailuak eta turismo-matrikula dutenak ere zirkulatzeko gai diren ibilgailutzat joko dira.

3. Jarraikoak ez daude Zergaren kargapean:

a) Antzinasuna dela-eta erregistroan baja emanda egonik, aparteko kasuetan erakustaldietan, lehiaketetan eta lasterketetan ibiltzeko baimena jaso ezaketenak, horretara mugaturik daudela.

b) Trakzio mekanikodun atoiak eta erdiatoiak, zama erabilgarria 750 kg baino utxiagokoa dutenak.

III. SALBUESPENAK ETA HOBARIAK.

4. artikulua.



OROZKOKO UDALA

1. Zergatik salbuetsita egongo dira:

a) Estatuko, Euskal Autonomia Erkidegoko, Bizkaiko Lurralde Historikoko eta toki-erakundeetako herritarren defentsarako edo segurtasunerako ibilgailu ofizialak.

b) Atzerriko herrialdeetako ordezkari diplomatikoen, kontsul-bulegoetako kideen, eta kreditatuta dauden agente diplomatikoen eta kontsul-funtzionarioen ibilgailuak, baldin eta herrialdeko herritarrak badira eta ibilgailua kanpoaldean identifikatuta badago, eta elkarrekiko salbuespena badago, hedapen eta maila berekoa. Halaber, Espainiar estatuan egoitza edo bulegoa duten nazioarteko erakundeen ibilgailuak eta diplomazi estatutua duten haien funtzionarioak edo kideenak.

c) Nazioarteko itunen edo hitzarmenen bidez salbuetsita dauden ibilgailuak.

d) Anbulantziak eta osasun-laguntzako ibilgailuak, eta zaurituak edo gaixoak garraiatzeko erabiltzen direnak.

e) Mugitzeko eragozpenak dituzten pertsonentzako ibilgailuak, abenduaren 23ko 2822/1998 Errege Dekretuaren bidez onetsitako Ibilgailuen Araudi Orokorreko II. eranskineko A letran adierazitakoak, baldin eta ezindu baten izenean matrikulatuta badaude eta ibilgailuak 14 zerga zalditik behera baditu. Salbuespen hau inguruabar horiek hala irauten duten artean aplikatuko da, eta aplikatu ere urrituek eurek gidatzen dituzten ibilgailuei zein haiek garraiatzeko erabiltzen direnei aplikatuko zaie.

Aurreko bi paragrafoetan ezarritako salbuespenak ezin dira aplikatu batera, hots, onuradun bati ez zaio bat baizik aplikatuko, ibilgailu bat baino gehiago eduki arren.

Letra honetan xedatutakoaren ondoretarako, hauexek hartuko dira pertsona ezindutzat:

a) %33 - 65 bitarteko minusbalio-gradua onartuta dutela mugitzeko gaitasuna murriztuta duten pertsonak; halakotzat joko dira minusbalio-gradua aintzatetsi, adierazi eta kalifikatzeari buruzko abenduaren 23ko 1971/1999 Errege Dekretuaren III. eranskineko baremoko A, B edo C letretan adierazitako egoeretako batean daudenak eta baremo horretako D, E, F, G edo H letran 7 puntu edo gehiago dituztenak.

b) %65eko minusbalio-gradua edo handiagoa duten pertsonak.

f) Hiriko garraio publikorako autobusak, mikrobusak eta gainerako ibilgailuak, bederatzi plaza baino gehiago dituztenak, gidaria barne.

g) Nekazaritzako Ikuskapenaren Txartela duten traktoreak, atoiak, erdiatoiak eta makinak.

Salbuespen hau aplikatu ahal izateko, interesatuek eskatu egin behar dute, eta, horretarako, ibilgailuaren ezaugarriak, matrikula eta onuraren arrazoia azaldu behar dituzte. Udal Administrazioak salbuespena onartu eta gero, berau egiaztatzeko agiria emango zaio interesatuari.

2. Artikulu honetako 1. idatz-zatiko e) eta g) letretan azaldutako salbuespenak aplikatu ahal izateko, interesatuek eskatu egin beharko dute, eta eskabidean ibilgailuaren ezaugarriak,



OROZKOKO UDALA

matrikula eta onuraren arrazoia adierazi behar dituzte. Salbuespena adierazitakoan, Udal Administrazioak hori frogatzen duen agiria emango du.

Aurreko 1. idatz-zatiko e) letrako bigarren paragrafoan ezarritako salbuespenari dagokionez, interesatuak urritasunaren eta, behar denean, mugitu ezintasunaren ziurtagiria (erakunde eskudunak emana) aurkeztu behar du eta ibilgailua zertarako erabiltzen duen frogatu behar dio Zerga ezartzen dion udalari, eta frogatu ere hark ordenantza fiskalean ezarritakoaren arabera.

Orokorrean, eskaera egiten dan dataren hurrengo ekitalditik hasita aplikatuko dira salbuespenak eta atzeraeraginezko efektu bakoak izango dira. Hala eta guztiz ere, kitapena bidali baino lehen zerga-onura eskatzen bada, zergaren sortzepean egunean eskatzen diren betebeharrak betetzen badira, onartua izango da.

IV. SUBJEKTU PASIBOAK.

5. artikulua.

Zerga honen subjektu pasiboak dira Zergei buruzko Foru Arau Orokorreko 33. artikuluan ageri diren pertsona fisiko edo juridikoak eta erakundeak, zirkulazioko baimenean ibilgailua beraien izenean agertuz gero.

V. KUOTA.

6. artikulua.

1.Zerga tarifa taula honen arabera eskatuko da:
Ibilgailuaren potentzia eta mota. Gutxieneko kuota, Koefizientea eta Guztira.

A) Turismoak.

- 8 zerga-zalditik beherakoak 14,08 / 1,41 / 19,86.
- 8 eta 11,99 zerga-zaldi bitartekoak 37,99 / 1,41 / 53,57.
- 12 eta 13,99 zerga-zaldi bitartekoak 67,01 / 1,63 / 109,23.
- 14 eta 15,99 zerga-zaldi bitartekoak 93,82 / 1,28 / 120,09.
- 16 eta 19,99 zerga-zaldi bitartekoak 120,63 / 1,28 / 154,40.
- 20 zerga-zalditik baino gorakoak 147,43 / 1,28 / 188,72.

B) Autobusak.

- 21 plazatik beherakoak 92,88 / 1,41 / 130,97.
- 21 eta 50 plaza bitartekoak 132,28 / 1,41 / 186,52.
- 50 plazatik gorakoak 165,35 / 1,41 / 233,14.

C) Kamioiak.

- kg-ko zama erabilgarritik beherakoak 47,15 / 1,41 / 66,47.
- 1.000 eta 2.999 kg bitartekoak 92,88 / 1,41 / 130,97.
- 2.999 eta 9.999 kg bitartekoak 132,28 / 1,41 / 186,52.



OROZKOKO UDALA

- 9.999 kg-ko zama erabigarritik gorakoak 165,35 / 1,41 / 233,14.

D) Traktoreak.

- 16 zerga-zalditik beherakoak 19,70 / 1,41 / 27,78.
- 16-24,99 zerga-zaldi bitartekoak 30,96 / 1,41 / 43,65.
- 25 zerga-zalditik gorakoak 92,88 / 1,41 / 130,97.

E) Trakzio mekanikodun atoiak eta erdiatoiak.

- kg-ko zama erabilgarritik beherakoak 19,70 / 1,41 / 27,78.
- 1.000-2.999 kg bitartekoak 30,96 / 1,41 / 43,65.
- 2.999 kg zama erabilgarritik gorakoak 92,88 / 1,41 / 130,97.

F) Beste ibilgailu batzuk.

- Ziklomotoreak 4,93 / 1,41 / 6,95.
- 125 zk-tik beherako motozikletak 4,93 / 1,41 / 6,95.
- 125 eta 250 zk bitarteko motozikletak 8,44 / 1,41 / 11,90.
- 250 eta 500 zk bitarteko motozikletak 16,90 / 1,41 / 23,82.
- 500 eta 1.000 zk bitarteko motozikletak 33,78 / 1,41 / 47,63.
- 1.000 zk-tik gorako motozikletak 67,55 / 1,41 / 95,25.

2. Ibilgailu-mota zehazteko, arau bidez ezartzen denari jaramon egingo zaio, eta gainera kontuan hartuko dira ondoko arauak ere:

a) Furgonetatzat ondokoak joko dira: pertsonak eta gauzak batera garraiatu ahal izateko moldatutako turismo-ibilgailuak, zenbait eserleku eta kristal kendu zaizkienak, ateen neurriak edota kokaera aldatu, eta bestelako aldaketak egin zaizkienak, baina jatorrizko ibilgailuaren modeloaren ezaugarriak funtsean aldatu gabe. Furgonetengatik, turismoak balira bezala ordainduko da Zerga, euren zerga-potentziaren arabera, ondoko kasuetan izan ezik:

- Lehenengoa. Ibilgailua bederatzi pertsona baino gehiago, gidaria barne, garraiatzeko gaiturik badago, Zergak autobusa balitz bezala kargatuko du.
- Bigarrena. Ibilgailuak 525 kg-tik gorako zama erabilgarria garraiatzeko baimena badu, Zergak kamioia balitz bezala kargatuko du.

b) Zerga honen ondoretarako, motogurdiak motozikletatzat joko dira eta, beraz, euren zilindradaren edukieraren arabera ordainduko da Zerga.

c) Ibilgailu artikulatuei dagokienez, Zergak aldi berean eta bereiz kargatuko ditu arraste-indarra uen ibilgailua eta hark herrestan daramatzen atoiak eta erdiatoiak.

d) Edukiera dela-eta matrikulatu beharrik ez duten ziklomotorrak, atoiak eta erdiatoiak zirkulatzeke gai diren ibilgailutzat joko dira Industria Ordezkaritzak horren ziurtagiria ematen duenetik, edo ibilgailua zirkulatzen hasten denetik, kasuan kasukoa.

e) Makina autopropultsatuentatik, alegia, trakzio mekanikoko beste ibilgailu batek gainean edo herrestan eraman gabe herri-bidetik berez ibil daitezkeen makinengatik, traktoreei dagozkien tarifak kobratuko dira.

f) Nolanahi ere, tarifetako D) letran agertzen den «traktore» izen orokorrak barne hartzen ditu hala kamioi traktoreak nola «obra eta zerbitzuetako traktoreak».

g) Zaldipotentzia fiskala zaldi fiskaletan adierazten da, eta Ibilgailu Araudi Orokorrean, abenduaren 23ko 2.822/1998 Errege Dekretuaren 11.20 artikulua segituz, V. eraskinean agindutakoa kontutan hartuta.



OROZKOKO UDALA

3.-Hobariak

- Aintzinako ibilgailuentzat edo gitxienez, hamabost urte daukientzat %100eko hobari bat ezartzen da. Aintzintasun hau fabrikazio datatik hasita kontuan hartzen da edo, berau ezagutuko ez balitz, lehenengo matrikulazioa egin zanetik, edo bestela, dagokion tipoa edo marka hori fabrikatzen itxi zanetik kontuan hartuko da.

- Motore hibridun ibilgailuentzat (motore-elektriko-gasolinazko, elektro-dieselezko, elektriko-gasezkoa) %50eko hobari bat ezartzen da. Guzti hau, fabrikatik homologatuak badira, eta emisio kontamitzileak gutxitzeko bere klasera egokiturik katalizatzaila aparatuak euki ezker.

- Zergaren kuotan % 90eko hobaria ezartzen da 5 plaza edo gehiagoko ibilgailu bakarrean; familia-ugariko kide baten izenean egonez gero, indarrean dagoan legeriaz bat etorriz.

VI. ZERGALDIA ETA SORTZAPENA.

7. artikulua.

1. Zergaldia egutegiko urtea izango da, ibilgailua lehenengoz eskuratzen denean edo baja ematen zaionean izan ezik. Izan ere, horrelakoetan, zergaldia eskuraketaren egunean hasiko da, edo ibilgailuari Trafiko Burutzan baja ematen zaion egunean amaituko da, hurrenez hurren.

2. Zerga zergaldiko lehen egunean sortuko da.

3. Zergaren kuotaren zenbatekoa hil naturalen arabera hainbanatuko da, ibilgailuaren lehenengo eskuraketaren edo behin behineko bajaren kasuetan, eta ibilgailuari alta edo baja emoten jako eguneko hila ere kontuan hartuko da.

Era berean, ibilgailua ostu edo lapurtzeagatik ibilgailuari aldi baterako baja emoten bajako, haren kuota arestian azaldutako moduan hainbanatuko da, dagokion erregistro publikoan aldi baterako baja geratzen dan unetik.

VII. KUDEAKETA.

8. artikulua.

Ibilgailuaren zirkulazio-baimenean ageri den egoitza zein udalerritan dagoen, hango udalaren eginkizunak izango dira ibilgailu horren zerga kudeatzea, likidatzea, ikuskatzea eta biltzea, eta bai zerga-kudeaketan agindutako egintzak berrikustea ere.

9. artikulua.

Udalak autolikidazio-araubidean eskatu ahal izango du zerga hau.

10. artikulua.

Zerga ordaindu delako frogagiria Udal Administrazioak emandako ordainagiria izango da.

11. artikulua.

1. Trafiko Burutzari ibilgailua matrikulatzeko, zirkulaziorako gaitasunaren ziurtagiria emateko edo ibilgailuari behin betiko baja emateko eskatzen diotenenk, aldez aurretik Zerga ordainduta dutela frogatu behar dute. Hamabost urte edo gehiago dituen ibilgailu bati behin betiko baja eman nahi bazaio, ez dago ezer frogatu beharrik.



OROZKOKO UDALA

2. Gauza bera egin beharko dute ibilgailuen titularrek Trafiko Burutzari ibilgailuaren eraldaketaren berri ematen diotenean, baldin eta eraldaketak zerga honen ondoreetarako ibilgailuak duen kalifikazioa aldatu badu, bai eta ibilgailuaren zirkulazio-baimena eskualdatzen bada edo bertan ageri den egoitza aldatzen bada ere.

3. Trafiko-burutzek ez dute ibilgailuen bajei edo eskualdaketei buruzko espedienterik tramitatuko aldez aurretik zerga hau ordainduta dagoela frogatzen ez bazaie. Matrikulazio berrietan, edo ibilgailuari egindako aldaketek zerga-ondoreetarako kalifikazioa aldatzen dutenean, interesatuek jarraian adieraziko diren agiriak aurkeztu behar dizkiote Udal Administrazioari, Zergaren matrikulari eransteke, 30 eguneko epean, matrikulazioa edo aldaketa egiten den egunetik hasita:

- a) Zirkulazioko baimena.
- b) Ezaugarri teknikoek zuzentzea.
- c) NAN edo IFK.

VIII. XEDAPEN IRAGANKORRA.

Trakzio Mekanikoko Ibilgailuen gaineko Zerga indarrean jartzen den egunean Ibilgailuen Zirkulazioaren gaineko Zergan mota bateko nahiz besteko zerga-hobariaren bat dutenek hobariak onuratzeko dute aipaturako zerga horri dagokionean, hobaria iraungitzen den egunera arte, edo, hobariaren onurak mugaegunik ez badu, 1992ko abenduaren 31ra arte, azken egun hori barne dela.

IX. AZKEN XEDAPENA.

Ordenantza honen aldaketa 2003ko abenduaren 4an onetsi da behin betiko, 2004ko urtarrilaren 1ean jarriko da indarrean, eta horrela jarraituko du harik eta bera aldatzea edo indargabetzea erabakitzen den arte.